

### 一、标点并翻译（40 分）：

夫良玉未剖與瓦石相類名驥未馳與騫馬相雜及其剖而瑩之馳之玉石騫驥然后始分彼賢士之未用也混於凡品竟何以異要任之以事棄賁之以成務方與彼庸流較然不同昔呂望之屠釣百里奚之飯牛寧生之扣角管夷吾之三敗當此之時悠悠之徒豈謂其賢及升王朝登霸國積數十年功成事立始識其奇士也於是後世稱之不容於口彼瓌偉之材不世之傑尚不能以未遇之時自異於凡品况降此者哉若必待太公而後用是千載無太公必待夷吾而後任是百世無夷吾所以然者士必從微而著功必積小以至大豈有未任而已成不用而先達也若識此理則賢可求士可擇得賢而用之得士而使之則天下之治何向而不可成。

### 二、翻译（各 30 分）：

1 自壽（張壽）開外國道以尊貴，其吏士爭上壽言外國奇怪利害，求使。天子為其絕遠，非人所樂，聽其言，予節，募吏民無問所從來，為具備人煮遺之，以廣其道。來還不能無侵盜幣

物，及使失指。天子為其習之，輒覆按致重罪，以激怒令贖，復求使，使端無窮，而輕犯法。其吏卒亦輒復盛推外國所有，言大者予節，言小者予為副，故妄言無行之徒皆爭相效。其使皆私縣官廩物，欲賤市以私其利。外國亦厭漢使人入有言輕重，度漢兵還，不能至，而禁其食物，以苦漢使。漢使乏絕，責怨，至相攻擊。樓蘭、姑師小國，當空道，攻劫漢使王恢等尤甚，而匈奴奇兵又時時遮擊之。使者爭言外國利害，皆有城邑，兵弱易擊。於是天子遣從票侯破奴（趙破奴），將屬國騎及郡兵數萬以擊胡，胡皆去。明年，擊破姑師，虜樓蘭王。酒泉列亭輒至玉門矣。

2 愈（韓愈）之所為，不自知其至猶未也。雖然，學之二十餘年矣。始者，非三代兩漢之書不敢觀，非聖人之志不敢存。處若忘，行若遺，儼乎其若愚，茫乎其若迷，當其取於心而注於手也，惟陳言之務去，翼翼乎其難哉！其觀於人，不知其非笑之為非笑也。如是者亦有年，猶不改。然後識古書之正偽，與雖正而不至焉者，昭昭然白黑分矣，而務去之，乃徐有得也。當其取於心而注於手也，汨汨然來矣。其觀於人也，笑之則以為喜，譽之則以為憂，以其猶有人之說者存也。如是者亦有年，然後浩乎其沛然矣。吾又懼其雜也，迎而距之，平心而察之，其皆醇也，然後肆焉。雖然，不可以不養也，行之乎仁義之途，游之乎《詩》、《書》之源。無迷其途，無絕其源，終吾身而已矣。